



COMUNU DE QUARTU S. ALENI

Progetu finantziau cun su dinai de sa Regione Autònoma de Sardigna cunformas a sa L. 482/99 e a sa L.R. 22/2018.

Pagas dies a oe in Giunta comunale amus deliberadu s'aprovatzione de s'avantzu de amministrazione, chi como at a colare a Cussìgiu Comunale pro su si definitivu. Si tratat de summas cunsistentes, paris a belle belle 10 milliones de èuro, chi ant a bènnere in manera integrale impreadas pro megiorare sa tzidade e is servìtzios a is tzitadinos quartesus. Chèrgio sutralinare inoghe su contributu significativu dadu dae sa minoria in sa definitzione de su profilu de su chi s'istampa at mutidu “tesoretto”, cun impòsitos e propostas importantes chi sunt istadas acollidas in s'ischema de partizione de is risursas. Mi premet inoghe sutralinare chi sa possibilitade chi amus a tènnere ocannu de impreare un'avantzu gasi cunsistente no est frutu de una contingentza casuale, ma derivat de su traballu mannu de riòrdinu, s'ispissu invisibile e mudu, fatu in custos duos annos de amministrazione. In passadu capitaiait chi is summas puru presentes a s'internu de su Bilantzu deverent in manera netzessària èssere vinculadas in fundos de riserva pro totu una sèrie de chistiones chi non si resessiat a serrare. Nois amus seberadu de agredire sin dae deretu unos cantos nodos chi rallentaiait is detzisiones de su Palatzu, serrende a sa lestra s'annosa faina de is espropriis, atzelerende in modu esponenziale su pagamentu de is faturas a is fornidores e bia narende: gasi de 7 milliones de summas vinculadas semus falados a in pessu chi unu milione e mèdiu chi est sa riserva mìnima pro pònnere fronte a ogni evenientza.

Gràtzias duncas a s'aplicatzione de is printzìpios de una bona amministrazione, amus a tènnere ocannu un'avantzu significativu de distribuire subra de vàrios capìtulos intre cales in primis is caminos (intre cales sa primu borta unu capìtulu a banda de su totu dedicadu a su riprìstinu de is de Flumini), is sutaservìtzios e sa creatzione de purmones birdes noos in tzidade, cun su recùperu de is àreas egadas presentes longu su perìmetru de su Parcu de su Molentargius.

Aco' unos cantos interventos prus significativos, cun relativos importos, chi ant a èssere cugugiados dae s'Avantzu 2021:

- ▶ Su de tres lotos de interventos subra de is caminos tzitadinos: unu milione e 500 milli èuros.
- ▶ “Mantenidura istraordinària de is caminos urbanos” de Flùmini e de su litorale quartese: unu milione de èuro
- ▶ Iscumbatas subra de s'istadu de is sutaservìtzios de sa bassa a traessu de su trastu de su georadar, propedèuticas a sa pianificatzione de sutzessivos interventos de caràtere istruturale: 300 milli èuros

▣ Achirimentu de is àreas egadas contigue a su Parcu de su Molentargius, de ricualificare in funtzione de fasca de pre-parcu: 1 milione e 415 milli èuros

▣ Assentu de bagnos e domigheddas mòbiles in is parques comunales a su presente chentza de tales servìtzios: 100 milli èuro

▣ Ladu Iscol@ , interventos energèticu in is edifitzios iscolàsticos de bia Cimabue, bia Vico e Via Turati: 700 milli èuros.